


SAMPELA GUTPELA TINGTING LONG CYBER SECURITY

WEI BILONG LUKAUTIM YU YET GUT TAIM YU GO ONLINE

cyber.gov.au/learn



Mekim update long ol apps na devices

Mekim ol update long ol apps na devices bilong yu ken stretim ol samting ino stap gut na soim yu ol niupela security wari na halivim long pasim ol dua we ol hackers inap yusim long go insait long masin o device bilong yu. Na tu ol update ken putim ol niupela samting long device bilong yu.




Tanim on multi-factor authentication (MFA)

MFA em min olsem yu bai igat tupela o moa wei long soim yu husait taim yu laik go insait long akaunt bilong yu. Kain olsem, yu mas igat code ikam long text message na yu mas igat passphrase bilong yu tu. Dispela em bai mekim hat moa long ol cybercriminal long painim wei long go insait long akaunt bilong yu.




Makim taim bilong wokim ol backups

Backup em i wei bilong mekim wanpela kopi bilong ol infomesin na putim long external storage device or long internet. Em i min olsem yu ken kisim bek ol infomesin o files bilong yu sapos yu lusim, ol stilim o samting bagarap.



Yusim ol strongpela passphrases

Sapos nogat MFA, yu mas yusim strongpela passphrase long lukautim akaunt bilong yu. Passphrase em i strongpela password we yu ken yusim fopela (4) o moa wod long mekim. Dispela em bai mekim hat moa long ol cybercriminal long painim aut tasol bai em isi long yu tingim.



Luksave na ripotim ol scams

Ol cybercriminals save yusim email, SMS, phone call na social media long scam o giananim ol pipol. Ol i save traим long toktok o salim toksave o message na mekim yu ting olsem ol arapela manmeri o ogenaisin yu save gut long em.

Yu mas lukluk na tingting gut taim yu laik opim ol link o attachment insait long email o message.



Strongim cyber security sapos yu...

- Tingting gut bipo yu putim samting long social media o putim online
- Sign up long kisim nating toksave servis bilong mipla na bai mipela toksave long ol niupela birua o threats.
- Toktok wantaim famili na ol poro bilong yu long cyber security.
- Traim long noken yusim ol pablik Wi-Fi taim yu laik go long online bank o baim samting long online stoa.
- Ripotim ol cyber attack o taim samting olsem kamap long lukautim na strongim Australia.

Painim sampela moa infomesin long cyber.gov.au/learn

Ripotim ol cyber security birua o taim samting olsem kamap:

cyber.gov.au | 1300 CYBER1 (1300 292 371)

Dispela namba em yu ken yusim insait long Australia tasol.

Australian Government
Australian Signals Directorate

ASD AUSTRALIAN SIGNALS DIRECTORATE
ACSC Australian Cyber Security Centre

Yu laik tokim mipela sampela kain tingting long dispela product? Go long cyber.gov.au na givim tingting bilong yu long mipela.